

Ammasumik ataatsimiinnermi oqaluuserisassat

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Balance-t

Suliassat nalinginnaasut

Imm. 04 Qeqqata Kommunianni kulturikkut timersornikkullu ulloqartitsineq

Imm. 05 Brøndum-ip neqeroorutaa

Imm. 06 Atuarfiup ittuata qinnuteqaataa

Imm. 07 Qeqqata Kommunianni illuaraqafinnik nutarterineq

Paasissutissiissutit/Ilisimatitsissutit

Imm. 08 Tamalaat

Ataatsimiinneq aallartippoq nal. 13.05

Peqataasut:

Siumut

Knud Olsen

Kattusseqatigiit

Nini F. Holstebro

Nalunaaruteqarlutik peqataanngitsut: Astrid Bro, Siumut

Nalunaaruteqaratik peqataanngitsut:

Imm 01 Oqaluuserisassat akuersissutigineri

Aalajangiineq

Akuerineqarput.

Imm. 02 Siulittaasup nalunaarutaa

Ilanngussaq 1
Siulittaasup nalunaarutai

Aalajangiineq

Tusaatitut tiguneqarput.

Imm. 03 Balance-t

Maleruagassat tunngavissat:

Karseqarnikkut Qeqqata Kommunia-ta maleruagassaa.

Innersuussut:

Allaffeqarfup innersuussutigaa, ilaasortanit tusaatitut tiguneqassasut

Aalajangiineq

Akuerineqarput.

Ilanngussaq: *Balance 11. november 2016.*

Imm. 04 Qeqqata Kommuniani kulturikkut timersornikkullu ulloqartitsineq

J.nr.: 01.01.00

Tunuliaqutaq:

Qeqqata Kommuniani piffissami qinigaaffiusumi ingerlasumi Siumut aamma Atassut suleqatigiinnissamik isumaqatigiinninniarnit aallartimmatigit, Kommuni tamarmi kulturikkut timersornikkullu ulloqartitsisarnissamk pilersitsinissaq Kommunalbestyrelsemit anguniarneqarpoq. Innersuussutaallunilu nunaqarfinni aqutsisunut tamanut tusarniutigineqarluni ingerlateqqinneqassasoq.

Maleruagassatigut tunngavissaq

Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaat nr. 10, 21. Maj 2002-meersoq.

Pissutsit atuuttut

Sisimiuni Maniitsumilu timersornikkut ulloqartitsisarneq ingerlanneqarpoq, tamannalu Kommunip tamarmi iluani kulturikkut timersornikkullu ulloqartitsisalernissamik aalajangernerup kingunerani nunaqarfiit aamma ulloqaqataasalernissaat ilusilersorneqartussanngorpoq.

Tassungalu tunngasumik siunnersuutigineqarpoq Nunaqarfimmi aqutsisut siunnersuutit marluk isummersorfigissagaat.

Siullertut januaarip arferngani kommunimi tamarmi assigiimmik aaqqissuussillutik, tassani nersornaasiinikkut ataqqinaasiinikkullu ukioq qaangiuttoq malunnartinneqartassasoq.

Aappassaatut najugaqarfiit ataasiakkaat (illoqarfiit nunaqarfiillu) ukiup qanoq ilinerani kulturikkut timersornikkullu ulloqartitsisarnissat aalajangissagaat, sumiiffinni ataasiakkaani periarfissat malillugit.

Atuilluartuunissakkut kingunerisinnaasai

Peqqinnartumik inooriaasseqarneq kommunip tapersersoraa takutinniarneqarpoq.

Aningaasaqarnikkut allaffissornikkullu kingunerisinnaasai

Isummersorfigisassat marluupput. Siullertut illorqarfinni nunaqarfinnilu kulturikkut timersornikkullu ulloqartitsisoqartarnissaanik aalajangernikkut, nunaqarfinni tamani aaqqissuussinernut tamanut 4.000,00 koruuninik tapiissoqartariaqarnerpoq, Ilinniartitaanermut immikkoortortaqtarfimmit

aqunneqartunik. Imaluunniit aappassaatut Kulturikkut timersornikkullu ulloqartitsinerit Nunaqarfinnut aningaasaliissutinit aningaasalersorneqassanersut.

Innersuussut

Allaffeqarfiup innersuussutigaa Nunaqarfimmi aqutsisut siunnersuutit kiisalu isummersorfigisassat eqqartoriarlugit akissuteqassasut.

Aalajangiineq

Innersuussut akuerineqarpoq.

Ilanngussaq: *E-maili Ane Siegstad Lennert-imik ulloq 14. oktober 2016.*

Imm. 05 Brøndum-ip neqeroorutaa

J.nr.: 01.10.00

Tunuliaqutaq

Oqaluuserisassaq Nunaqarfimmi aqutsisut siulittasuata Knud Olsenip oqaluuserisassanngortippaa. Oktobarip 6.-ani allaffeqarfik Brøndum-imut neqerootitsivoq allagartarsuit (skiltit) savimminernik Sanaat, angallannerini najunngarnikuusut aaqqissuusinnaaneraat taamaaliorinnaappatalu qanoq akeqartinneqassasoq. 24. Oktobari Brøndumi allagaqarpoq iluarsartuunneri qalipatsinnertaa ilanngunnagu missiliorlugu akeqassasoq 6.000,00 koruuninik.

Pissutsit atuuttut

Allagartarsuit umiarsuakkut angallanneqarnerminni ilai Royal Arctic Line-imiit (=RAL) najunngarnikuupput. Tamannalu pequtaalluni tikimmata ikkussorneqarsinnaasimangillat. RAL imiit alakkarneqareeramik taarsiivigitsinniarput ima naleqartumik: 10.450,00 koruunit.

Allaffeqarfiup naliliinera

Allaffeqarfiup nalilerpaa Nunaqarfimmi Aqutsisut eqqartoriarlugu, RAL attavigineqapallassasoq suliaassiissutaanniarpatalu tuaviortumik allagartarsuit suliaritsinniarnissai.

Innersuussut

Allaffeqarfiup innersuussutigaa, nunaqarfimmi aqutsisunut oqallisigeriarlugu suliaakkiissutigissagaat.

Aalajangiineq

Innersuussut akuerineqarpoq.

Ilanngussaq: E-maili Brøndum-imiit ulloq 24. Oktober 2016.

E-maili Royal Arctic Line-imiit ulloq 8. September 2016.

Imm. 06 Atuarfiup ittuata qinnuteqaataa

J.nr.:

Tunuliaqutaq:

Oqaluuserisassaq siulittaasup Knud Olsen-ip oqaluuserisassanngortippaa.

Jens Borch Scharnberg (JBS) atuarfiup ittua kiisalu haallimut akisussaassuussoq ulloq 7. November 2016 qinnuteqaammik Nunaqarfimmi aqutsisunut tunniussivoq. Qinnuteqaataat tamalaannut hallimi atortussanut, kiisalu atuarfiup silataani pinnguartarfiup arsaalluni mål-inik qinnuteqaataavoq. JBS-ip qinnuteqarnermini tunngavilersuutigivaa aningaasat hallimut atortussanut atugassat assigisaallu, hallip kiassarniarneranut kiisalu innaallagissamut atuerujussuarternerup kingunerigaa hallip iluani pequtinut ukiut tamaasa akissaaruttarneq. Massakkullu hallip iluani aserfallappallaarsimanera tunngavigalugu Nunaqarfimmi aqutsisunut qinnuteqarpoq.

Pissutsit atuuttut:

Ulloq 11. November 2016 Kangerlussuarmi Nunaqarfimmi aqutsisut Konto 18-imi aningaasat sinneruttut: 147.000,00 koruuniupput.

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu aaliangiiffigissagaat.

Aalajangiineq

Innersuussut akuerineqarpoq.

Ilanngussaq: Jens Borch Scharnberg-imiit e-maili ulloq 7. November 2016.

Imm. 07 Qeqqata Kommuniani illuaraqafinnik nutarterineq

J.nr.:

Tunuliaqutaq:

Oqaluuserisassaq Borgmesterimit kiisalu Kommunaldirektør-imit oqaluuserisassanngortinneqarpoq. Nunaqarfimmi aqutsisut siulittaasuata Knud Olsen-ip oqaluuserisassaq akueraa. Ulloq 4. November 2016 allakkat takkupput, Qeqqata Kommuniani illuaraqafinnik nutarterinissamut tunngasut. Nunaqarfimmi aqutsisut illuaraqafinnik nutaanik inissiinissamut aammalu illuaraqafinnik tulluarunnaarsimasunut siunnersuuteqaqquneqarput. Kissaatigineqarpoq illuaqqat sumi inissinneqanngeqqissaarnissaanik ersarissaaneq. Assersuutigalugu tutut ingerlaarfiinut pingaarutilinnut ilisimasat. Illuaqqanik amerlanerusunik inissiinissamut inissaqassuseq kiisalu pilersitsiviginissaanut soqutiginarsinnaasut illuaraqarfittut immikkoortitanut inissinneqarnissaat aallaaviuvoq, taamaalilluni inuit ataasiakkaat soqutigisaat kisimik pineqaratik. Oqaluuserisassanngortinneqarnera innuttaasunik arlaqartunik saaffiginnittarneranik tunngaveqarpoq, Kommunalbestyrelsilu aalajangiivoq illuaqqanut nunaminertat atuuttut nalilersoqqinneqassasut. Illuaqqanut nunaminertanik immikkoortitsinissaq aammalu illuaqqat imminnut ungasissusaat aammalu immaqa aalisarnermik piniarnermillu suliaqarnermut attuumatillugu illuaqqat suussutsinik nutaanik atuutillersitsisinnaaneq pineqarput. Illuaqqat taamaattut inuinnarnit suliffeqarfinnilluunniit pigineqarsinaasut naatsorsuutigineqarpoq aammalu aalisarnermik piniarnermillu inuutissarsiuteqarnermut tapertatut atorneqarsinnaaneri eqqarsaataalluni.

Innersuussut

Allaffeqarfiup innersuussutigaa Nunaqarfimmi aqutsisut eqqartoriarlugu siunnersuuteqassasut.

Aalajangiineq

Innersuussut akuerineqarpoq.

Ilanngussaq: *Allakkat Qeqqata Kommunianiit ulloq 4. November 2016.*

Imm. 08 Tamalaat

- 1) Orpigaq-mi aqutsisoq nutaaq oktober-imi Nunaqarfimmi aqutsisut ataatsimiinnissaannut peqataasussaalluni ataatsimiinnerup kinguartinneqarnerata kinguneranik Novembarimi ataatsimiinnissamut imminut ilisaritikkusulluni aammalu suliniutiminnik paasitiseerusulluni aggerpoq.
- 2) Allagartarsuit (skiltit) ukiormanna ikkussortinnissaat suliffeqarfinnut neqeroorusiortitsissutigineqassapput.
- 3) Ukioq 2017-mi qaammatit siulliit pingasut ataatsimiiffissat ullut inissinneqarput.
- 4) Kangerlussuarmut kigutilerisumik tikittoqarpiartannginnera ingerlateqqinniarnearpoq.
- 5) “Orpigaq”-miit basketball-tinut mál-it tamanut atugassanngorlugit upernaq 2017-mi ikkussortissapput.

***Kangerlussuarmi Nunaqarfinmi Aqutisut ileqqusumik ataatsiminneranni imaqarniliaq
23. November 2016 nal. 13.00***

Ataatsimiinneq naammassivoq nal. 15:48